

CONSELLERÍA DE EDUCACIÓN E ORDENACIÓN UNIVERSITARIA

Orde do 21 de xuño de 2010 pola que se fai pública a oferta educativa das escolas oficiais de idiomas da Comunidade Autónoma de Galicia a partir do curso escolar 2010-2011.

O Estatuto de autonomía de Galicia establece a competencia plena desta comunidade autónoma para o regulamento e administración do ensino en toda a súa extensión, niveis e graos, modalidades e especialidades, competencias que lle están atribuídas á Consellería de Educación e Ordenación Universitaria nos termos que figuran no artigo 2 do Decreto 114/1982, do 1 de setembro, sobre asunción de transferencias en materia educativa, e no artigo 1 do Decreto 585/2005, do 29 de decembro (DOG do 9 de xaneiro de 2006), polo que se establece a estrutura orgánica da Consellería de Educación e Ordenación Universitaria.

A Lei orgánica 2/2006, do 3 de maio, de educación, regula as ensinanzas de idiomas que se imparten nas escolas oficiais de idiomas como ensinanzas de réxime especial, sendo un dos principais obxectivos o estudo dos idiomas europeos, así como o das linguas cooficiais do Estado. Esta lei establece nos artigos 59, 60, 61 e 62 que as ensinanzas de idiomas se organizarán en tres niveis: básico, intermedio e avanzado.

En consonancia co disposto no artigo 6.2º da devandita lei, o goberno fixou no Real decreto 1629/2006, do 29 de decembro, os aspectos básicos do currículo que constitúen as respectivas ensinanzas mínimas nos niveis intermedio e avanzado.

Pola súa parte, o Real decreto 806/2006, do 30 de xuño, polo que se establece o calendario de aplicación da nova ordenación do sistema educativo, establecida pola Lei orgánica 2/2006, do 3 de maio, de educación, determina que o nivel avanzado das ensinanzas de idiomas implantarase no ano académico 2008-2009 e deixarán de impartirse as ensinanzas correspondentes ao ciclo superior do primeiro nivel das ensinanzas especializadas de idiomas reguladas polo Real decreto 967/1988, do 2 de setembro.

Polo anteriormente exposto, tendo en conta o informe da Dirección Xeral de Educación, Formación Profesional e Innovación Educativa, e por proposta da Dirección Xeral de Centros e Recursos Humanos, esta consellería

DISPÓN:

Único.-Facer pública a oferta educativa das escolas oficiais de idiomas a partir do curso escolar 2010-2011, segundo os datos que figuran no anexo.

Disposicións derradeiras

Primeira.-Autorízanse a Dirección Xeral de Educación, Formación Profesional e Innovación Educativa e a Dirección Xeral de Centros e Recursos Humanos para tomaren as medidas precisas para a execución desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 21 de xuño de 2010.

Jesús Vázquez Abad
Conselleiro de Educación
e Ordenación Universitaria

ANEXO

Provincia	Concello	Código centro	Nome do centro	Idiomas
A Coruña	A Coruña	15023132	EOI da Coruña	Alemán Chinés Francés Galego Inglés Italiano Árabe Español para estranxeiros Portugués Ruso Xaponés
A Coruña	Culleredo	15005749	Sección de Culleredo IES Cruceiro Baleares	Inglés
A Coruña	Carballo		Sección de Carballo	Francés Inglés Alemán
A Coruña	Cee	15003224	Sección de Cee IES Fernando Blanco	Inglés
A Coruña	Ferrol	15026546	EOI Ferrol	Alemán Francés Galego Inglés Italiano Portugués
A Coruña	Cedeira	15026376	Sección de Cedeira IES Punta Candieira	Inglés
A Coruña	Santiago de Compostela	15032194	EOI de Santiago de Compostela	Alemán Francés Galego Inglés Portugués Español para estranxeiros Italiano
A Coruña	Santiago de Compostela	15027319	Sección de Santiago IES do Sar	Inglés
A Coruña	Santiago de Compostela	15010812	Sección de Noia IES Virxe do Mar	Inglés Francés
A Coruña	Ribeira	15014568	Sección de Ribeira IES nº 1	Inglés
A Coruña	Ordes	15027782	Sección de Ordes IES nº 1	Inglés
A Coruña	Negreira	15026391	Sección de Negreira IES Xulián Magariños	Inglés
Lugo	Lugo	27015955	EOI de Lugo	Alemán Francés Galego Inglés Italiano Portugués
Lugo	Monforte de Lemos	27016421	EOI de Monforte de Lemos	Alemán Francés Inglés Italiano

Provincia	Concello	Código centro	Nome do centro	Idiomas
Lugo	Ribadeo	27020690	EOI de Ribadeo	Alemán Francés Inglés Italiano
Lugo	Viveiro	27020628	EOI de Viveiro	Alemán Francés Inglés Italiano
Ourense	Ourense	32016081	EOI de Ourense	Alemán Francés Galego Inglés Italiano Portugués
Ourense	O Barco de Valdeorras	32001725	Sección do Barco IES Lauro Olmo	Francés Inglés
Ourense	Verín	32013582	Sección de Verín IES García Barbón	Inglés
Ourense	O Carballiño	32015037	Sección do Carballiño IES Manuel Chamoso Lamas	Inglés
Pontevedra	Pontevedra	36018689	EOI de Pontevedra	Alemán Francés Galego Inglés Italiano Portugués
Pontevedra	Lalín	36004137	Sección de Lalín IES Ramón M ^o Aller Ulloa	Inglés Francés
Pontevedra	A Estrada	36002359	Sección da Estrada IES Antón Losada Diéguez	Inglés
Pontevedra	Pontevedra	36006729	Sección de Pontevedra IES Valle Inclán	Inglés
Pontevedra	Vigo	36018941	EOI de Vigo	Alemán Chinés Francés Galego Inglés Italiano Español para estranxeiros Portugués Xaponés
Pontevedra	Vigo	36011798	Sección de Vigo IES Alexandre Bóveda	Francés Inglés Italiano
Pontevedra	Cangas	36019475	Sección de Cangas IES de Rodeira	Francés Inglés
Pontevedra	Tui	36009901	Sección de Tui IES San Paio	Francés Inglés Portugués
Pontevedra	Ponteareas	36013692	Sección de Ponteareas IES Val do Tea	Inglés
Pontevedra	Nigrán	36015184	Sección de Nigrán IES Escolas Proval	Inglés
Pontevedra	Vilagarcía de Arousa	36024598	EOI de Vilagarcía	Alemán Francés Inglés Portugués Italiano

Orde do 30 de xuño de 2010 pola que se aproban as bases e se procede á convocatoria pública de axudas destinadas ao financiamento dos xuros de préstamos concedidos nas convocatorias dos cursos académicos 2008-2009 ou 2009-2010 ao alumnado universitario galego.

O Estatuto de autonomía de Galicia, no seu artigo 31, establece como competencia plena da Comu-

nidade Autónoma de Galicia a regulación e administración do ensino en toda a súa extensión, niveis e graos, modalidades e especialidades, no ámbito das súas competencias.

O Real decreto 1754/1987, do 18 de decembro, transferiulle á comunidade autónoma competencias en materia de universidades. Estas competencias foron asumidas pola comunidade autónoma e asignadas á Consellería de Educación e Ordenación Universitaria no Decreto 62/1988, do 17 de marzo. A Lei 11/1989, do 20 de xullo, de ordenación do sistema universitario de Galicia, determina a constitución do sistema universitario de Galicia con tres universidades: a Universidade da Coruña, a de Santiago de Compostela e a de Vigo.

A Consellería de Educación e Ordenación Universitaria, a través da Secretaría Xeral de Universidades, está a levar adiante diversas accións de apoio económico ao alumnado de ensino universitario, coas que se pretende favorecer a calidade, a competencia, a igualdade de oportunidades e a excelencia no rendemento académico. Neste sentido, a Consellería de Educación e Ordenación Universitaria asinou convenios de colaboración o día 13 de marzo de 2001 e unha addenda a estes o día 12 de xuño de 2002 coas entidades financeiras: *Banco Pastor, Caixa de Aforros de Galicia, Caixanova, Banco Gallego, Banco Simeón e Banco Etcheverría*, para facilitarlle ao alumnado universitario galego créditos bancarios a baixos xuros para o financiamento dos seus estudos.

Polo que antecede, esta consellería

DISPÓN:

Artigo 1º.-*Obxecto.*

Convócanse axudas, en réxime de concorrencia non competitiva, destinadas ao financiamento dos xuros de préstamos concedidos ao alumnado universitario galego en convocatorias anteriores polas correspondentes entidades bancarias.

Estas axudas son compatibles con calquera outra axuda destinada para a mesma finalidade polas administracións públicas ou calquera dos seus organismos, entes ou sociedades.

Artigo 2º.-*Orzamento.*

A Consellería de Educación e Ordenación Universitaria financiará a parte que lle corresponde dos xuros dos préstamos concedidos en convocatorias anteriores con cargo á partida orzamentaria 09.02.422C.480.0 dos orzamentos xerais da Comunidade Autónoma de Galicia para o ano 2010, cunha contía global máxima de 2.000 euros.